

彌勒州志

地 3501239
134
:3

第三冊

卷之三十五

藝文一

彌勒州志卷之二十五

藝文一

庖羲氏一畫初開六經繼起生厥後者闡義理敷政教紀言紀事非文莫考我

朝御製頻頒天章絢爛諸大臣黼黻休明或揚風
 乾雅或章疏入告極之山陬海澨莫不含英
 咀華思叶萃萃萋萋之音蔚然盛矣故彌極
 邊郡代有名流類能摘華採藻潤色昇平若
 長言若短韻皆足為闡義理敷政教之資爰
 彌勒州志
 卷之二十五
 藝文一
 一
 擇其雅切者備錄之以俟軒輜焉書曰聖謨
 洋洋嘉言孔彰經曰有德者必有言可以雕
 虫玉葉忽乎哉爰志藝文

國朝

御製

至聖先師孔子贊 並序

蓋自三才建而天地不居其功一中傳而聖
 人代宣其蘊有行道之聖人得位以綏猷有
 明道之聖人立言以垂憲此正學所以常明



人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企

彌勒州志

卷之三

藝文一

二

滋深敬摛筆而爲之贊曰

清濁有氣剛柔有質聖人參之人極以立行著習察含道莫由維皇建極維后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趨日月無踰羹牆可晤孔子之道惟中與庸此心此理千聖所同孔子之德仁義中正

秉彛之好根本天性庶幾夙夜勗哉令圖溯
源洙泗景躅唐虞載歷庭除式觀禮器摘毫
仰贊心焉遐企百世而上以聖為歸百世而
下以聖為師非師夫子惟師於道統天御世
惟道為寶泰山巖巖東海泱泱高萬仞夫
子之堂孰窺其藩孰窺其徑道不遠人克念
作聖

顏子贊

聖道早聞天資獨粹約禮博文不遷不二一

彌勒州志

卷之三十五 藝文一

三

善服膺萬德來萃能化而齊其樂一致禮樂
四代治法兼備用舍行藏王佐之器

曾子贊

洙泗之傳以魯得之一貫曰唯聖學在茲明
德新民止善為期格致誠正均平以推至德
要道百行所基纂承統緒脩明訓辭

子思子贊

於穆天命道之大原靜養動察庸德庸言以
育萬物以贊乾坤九經三重大法是存篤恭

慎獨成德之門卷之藏密擴之無垠

孟子贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇竝垂六藝孔學攸傳禹功作配

御製訓飭士子文

國家建立學校原以興行教化作育人材典至
渥也朕臨馭以來隆重師儒加意庠序近復慎
簡學校釐剔弊端務期風教脩明賢才蔚起庶
幾棧樸作人之意乃比來士習未端儒效罕著
雖因內外臣工奉行未能盡善亦由爾諸生積
錮已久猝難改易之故也茲特親製訓言再加
警飭爾諸生其敬聽之從來學者先立品行次
及文學學術事功原委有敘爾諸生幼聞庭訓

彌勒州志

卷之三

藝文一

五

長列宮墻朝夕誦讀寧無講究必也躬脩實踐
砥礪廉隅敦孝順以事親秉忠貞以立志窮經
考義勿雜荒誕之談取友親師悉化驕淫之氣
文章歸於醇雅母事浮華軌度式於規繩最防
蕩軼子衿佻達自昔所譏苟行止有虧雖讀書
何益若夫宅心弗淑行已多愆或蜚語流言賈
制官長或隱糧包訟出入公門或唆撥姦猾欺
孤凌弱或招呼朋類結社邀盟乃如之人名教
不容鄉黨弗齒縱幸脫褫朴濫竊章縫返之於

喪能無媿乎鄉會科名乃掄才大典關係尤鉅
士子果有真才實學何患困不逢年顧乃標榜
虛名暗通聲氣夤緣詭遇罔顧身家又或改竄
鄉貫希圖進取囂凌騰沸網利營私種種弊端
深可痛恨且夫士子出身之始尤貴以正若茲
厥初拜獻便已作姦犯科則異時敗檢踰閑何
所不至又安望其秉公持正爲國家宣猷樹績
膺後先疏附之選哉朕用嘉惠爾等務共體朕
心恪遵明訓一切痛加改省爭自琢磨積行勤

學以圖上進國家三年登造束帛弓旌不特爾
身有榮卽爾祖父亦增光寵矣逢時得志寧俟
他求哉若乃視爲具文玩愒無做毀方耀冶暴
棄自甘則是爾等真頑無知終不能率教也旣
負栽培復干咎戾王章具在亦不能爲爾等寬
矣自茲以往內而國學外而直省鄉校凡學臣
師長皆有司鐸之責者竝宜傳集諸生多方董
勸以副朕懷否則職業弗脩咎亦難逭勿謂朕
言之不預也爾多士尙敬聽之哉

平定青海告成太學碑
我國家受

天眷命撫臨八極日月所照罔不臣順遐邇乂安
兆人蒙福乃有羅卜藏丹津者其先世固始汗
自國初稽首歸命當時使臣建議畀以駐牧之
地其居雜番羌密近甘涼我

皇考聖祖仁皇帝睿慮深遠每厯於懷既
親御六師平定朔漠威靈所加青海部落札什巴
圖兒等震聳承命

彌勒州志

卷之三

藝文一

七

聖祖仁皇帝因沛殊恩封爲親王兄弟八人咸賜
爵祿羈縻包容示以寬大而狼心梟性不可以
德義化三十年來包藏異志朕紹登寶位優之
錫賚榮其封號尙冀革心輯寧部衆而羅卜藏
丹津昏謬狂悖同黨吹拉克諾木齊阿爾布坦
溫布藏巴札布等實爲元惡謂國家方弘浩蕩
之恩不設嚴密之備誕敢首造逆謀迫脅番羌
侵犯邊城反狀彰露用不可釋於天誅遂命川
陝總督太平公年羹堯爲撫遠大將軍聲罪致

討以雍正元年十月師始出塞自冬涉春屢破其衆凡同叛之部落戈鋌所指應時摧敗招降數十萬衆又降其貝勒貝子公台吉等二十餘人朕猶憫其愚蠢若悔禍思愆束手來歸尙可全宥而怙惡不悛負險抗違乃決剪滅之計以方略密付大將軍羹堯調度軍謀簡稽將士用四川提督岳鍾琪爲奮威將軍於仲春初旬禡牙徂征分道深入搗其窟穴電掃風驅搜剔岩阻賊徒倉皇糜潰窮蹙失據羅卜藏丹津之母

彌勒州志

卷之五

藝文一

八

及逆謀渠魁悉就俘執擒獲賊衆累萬牲畜軍械不可數計賊首逃遁我師踰險窮追獲其輜重人口殆盡羅卜藏丹津子身易服竄匿荒山殘喘待斃自二月八日至二十有二日僅旬有五軍士無久役之勞內地無轉輸之費克奏膚功永清西徼三月之朔奏凱旋旅饒鼓喧轟士衆訢喜四十有二日以倡逆之吹拉克訥木齊等三人獻俘

廟

社受俘之日臣民稱慶伏念

聖祖仁皇帝威靈震於遐方福慶流於奕葉用克
張皇六師殄滅狂賊行間將士亦由感激

湛恩厚澤爲朕踴躍用命斯役也芟夷兇悖綏靖
番羌俾烽燧永息中外人民胥享安阜實成
先志以懋有不績廷臣上言稽古典禮出征而受
成於學所以定兵謀也獻馘而釋奠於學所以
告凱捷也宜刊諸珉石揭於太學用昭示於無
極遂爲之銘曰

彌勒州志

卷之三

藝文一

九

天有雷霆聖作弧矢輔仁而行威遠寧邇惟此青
海種類實繁錫之茅土列在藩垣被我寵光位
崇祿富負其阻遐禍心潛構恭惟

聖祖慮遠智周睠念荒服綏撫懷柔朔野旣清西
陲攸震爵號渚加示之恩信如何兇狡造謀逆
天鼓動昏憝寇侵於邊惟彼有罪自干天罰桓
桓虎貔爰張九伐王師卽路冬雪初零日耀組
練雷響擊鉦蠢茲不順敢逆戎旅奮張螳臂以
當齊斧止如山嶽疾如風雨我戰則克賊壘其

空彼昏終迷曾不悔兵當剪而滅斯焉決計厲
兵簡將往擣其巢踰歷嶽嶇坦若坳郊賊棄其
家我繫而獲牛馬谷量器仗山積蹇兎失窟何
所逋逃楛魚遊釜假息煎熬師以順動神明所
福旬日凱歸不疾而速殪彼逆謀懸首膏街獻
俘成禮金鼓調諧西域所瞻此惟雄特天討既
申羣會惕息橐戈偃革告成辟雍聲教遐暨萬
國來同惟我

聖祖親平大漠巍功煥文邁桓軼酌流光悠久視

彌勒州志

卷之三十五

藝文一

十

此銘辭繼志述事念茲在茲

重建彌勒州城樓官署記

嘉靖四十年夏六月杜

桂州明知

廣西之西南僅百里有州曰彌勒泉甘而土沃俗樸而民淳幽僻之鄉也自弘治閒始設流焉庚申秋七月予奉命來守觀乃風流俗雜夷景色蕭索閱乃城樓闔偃卧環堵覆隍抵乃舍屋宇傾頽堂階欹倚殆不可居曰惡是何郡也事少竣乃召諸父老而咨之曰敝若斯果何以故僉曰彌勒服在遐荒稀沾王化茅居而谷處腥食而酪飲官斯土者鄙其壯觀而保障也予曰俗不忌惡觀政者化人不諱夷覲德者革我

彌勒州志

卷之三

藝文一

十一

皇上文命誕敷遐邇一體若輩獨非有人心血氣者乎乃陳規度樹章程隨俗變易以闡揚我皇上德意不期年而民稍知向化駸駸然有親上敬長之風矣遂請於巡撫蔣公巡按王公分守歐公分巡姚公得金若干竝捐俸貲爰起工役缺者葺之舊者新之四門乃各建一樓

樓各一榜東曰廣野春暉南曰盤江獻秀西
曰翠屏秋色北曰圭嶺呈青命名寓意蓋取
諸景寢室之後爲思過堂以閒計者三以櫺
計者七以椽計者六左右各一廊櫺減堂之
三椽減之數如櫺閒則猶夫堂也以備遊息
儀門之內爲戒石亭閒惟一軒則四焉監碑
其中以便警省凡地梓金石丹漆黝堊煥然
改觀民不告病而觀瞻備屏翰固矣功經於
庚申冬十二月關於辛酉春三月柏影護堦

彌勒州志

卷之三

藝文一

十一

清風可掬槐陰夾道翠色欲流聽政之暇臨
風對月不覺有洒然自得之意因勒石以紀
歲月云

重建城隍廟碑記

明知王業

嘉靖十有二年春二月城隍廟災郡人圖新之者舊趙縉趙鳳等言於衆曰州之城隍主宰民物禦災捍患凡水旱疾疫祈禱必應我國朝與風雲雷雨山川社稷之神竝祀郡厲司之今燬於燹亦州人敬供有懈神示悔怒丁曷緩諸故採木於西山皆合抱巨松昇石河東礎礪悉備不數月而棟宇輝煌流丹煥采幻肖神像冠服儼然諸法曹布列左右堪以

彌勒州志

卷之三十五

藝文下

十三

妥明禋而昭神貺是舉也工始於秋七月朔日落成於冬十一月中旬予承乏是州縉等屬予爲記予按神之顛末六經史傳無文稽考蓋肇端於漢時俾以主掌城池民物亦唐虞封山濬川之制受命於上帝正猶天下百司庶職受命於闕廷聖人以神道設教陰陽幽明相爲表裏載在祀典百世不易爾郡人香火須崇積善以求福去惡以遠禍也予曷勉旃董治是役計出同知盛公綱紀布置募

緣趙縉先大父趙賢會同州人楊禎於洪治
十二年脩理廟制今縉復續厥緒功次尤多
趙鳳等俱罄厥心力共成盛舉是宜刻諸貞
珉以垂不朽廟據州城西陂阪間南向山勢
自北迤邐而來龍飛鳳舞其脉正穴而止東
西各層巒翠巘包羅周匝一峯峙插如王公
大人端冕正笏拱立於前山川儲靈毓秀產
異人以爲邦家之光慶幽明有相贊助之道
而神亦無負民物之仰止矣

彌勒州公館記

國朝貢生馬徐珍

彌勒固僻郡然北通省會南連交廣東達曲靖西開十八寨所爲四方之中達皆有公館天使之所觀瞻福星之所照臨上德以宣下情以達皇華生色矣明季焚燬殆盡旅舍蕭然

大清平滇威德旁昭舟車出日月之表天荒僻壤皆成孔道而彌勒首沾砥矢之化乃撫軍奉命代狩成舍於草莽之間或以鴻鴈肅羽未

彌勒州志

卷之三

藝文一

十五

暇百堵之勞康熙九年宜城李公來守此邦政旣通乃履公館舊址而嘆曰是何前人之勞而後人之拙乎予爲一方主而令賓至無歸將辱漢官威儀而爲是邦羞乃捐俸鳩工卽舊址而經營之起於辛亥仲冬成於壬子季秋雖規制粗備較前爲大觀矣館成適有脩志之舉公乃與諸紳士落成其中而文事興焉諸紳舉酒而賀曰或以是役爲難今獲飲於斯歌於斯著作於斯所謂小人可與樂

成而不可以慮始者是宜有記予謂古人爲
政先於通道道通而後政行故室有懸榻井
有投轄以承

朝廷之德意以奉君子之景行裔夏具瞻激揚攸
賴豈行李之往來共其空乏而已乎公之德
政鑄在口碑不具述卽此敬以事上恭以協
僚鳴鸞班馬贊於皇路不以是邦爲邊僻而
棄之斯牧民之首務也是爲序

彌勒州牧題名碑記

嘉靖辛酉年
秋八月知州

王業

粵稽有官君子將鐫其名於石或曰太上立德其次立功立名非古也栗山子曰居吾語女道有升降政由俗革以書爲御者不盡馬之情以古制今者不達時之變變而通之存乎其人焉耳故不勝乎實雖美弗彰矣不成乎名雖盛弗傳矣然則斯名之題似無可已也是故首姓氏所以類生族也次方士所以別鄉井也次資格所以謹發軔也三者備千載可一覽矣且俾後之人指其名曰某也賢吾師之某也不賢吾戒之師道立則善人多戒心生則過能改師與戒變化之機也夫是之舉也而豈徒哉

報國寺碑記

明總制楊繩武本州人

蓋聞佛氏之國名極樂不知是何境界也大
約其人徐徐其俗于于無宮府無賦稅無力
役征徭亦若是則已矣自流入中國後吾能
相與爭雉髮以從每一叢林或五七八或十
百人至多而動以千計卽我彌勒一隅地無
慮十數所頂禮其說者置田飯之然非土之
磽卽賦之重者也使其芸芸擾擾執役以從
事則僧不僧俗不俗無惑走利如鶩者比比

藝文一

六

然先父母沈公特特垂憐邇來兵燹相仍當
事者復責以毛土之義三五年來山僧零落
殊不可言各住持赴訴於蕭父母幸發大慈
悲不啻造七級圖衆僧踴躍作禮欲壽之珉
丐記於子子且與衆僧約有不守清規不遵
梵律者能消受此乎衆僧曰敢不唯命而行不
務脩焚不勤功課者能消受此乎衆僧曰敢
不唯命且更向衆僧問曰爾佛氏能豁爾諸
煩差登爾極樂乎不謂我蕭父母非爾輩所

如來不可衆僧舉手加額曰敢不六時稱頌
乃命匠勒之諸如廟觀等處皆境內福德神
竝免之例也

引
三
六



九

重建咸和觀記

國朝貢生 馬徐珍 本州人

咸和山俯臨郡西一峯特出衆趣所朝吐納
雲煙氣象千萬松月挂蘿旣曠亦幽先號恩
褒近治之勝概也在隆慶二年冬楊宗舜
人各捐三十餘金鼎建大閣三層飛出樹杪
爲工頗巨迄萬曆初太守楊公階乃成草昧
改觀勝太和并置常住郭麓池先生爲記此
觀之首創也丁亥燬於土會寶閣飛灰而金
身無恙住持常寂藉草而居予因感憤白之

當事皆有捐助二年冬起工落成於五年春
雖高大之力不及前人厥曠之觀又闢一景
此神之靈觀之不失其勝也嗟乎此山自塞
而開而盛而衰而盛百年閒三變惟人心瞻
仰神功啟佑則不變迄以蔭被四方禔福千
禩碑而志之前之君子不可忘後之來者志
或同也

彌勒寺記

國朝貢生

馬徐珍

本州人

州以彌勒名自宋迄元明因之五百有餘歲其治好佛其化于于其覺徐徐抱朴而不筐隨緣而自順其樂可知也寺以彌勒名創自天啟六年有僧如王得地於錦屏山高山流水適當京省之道知州蕭公思脩嘉之貢生楊瑄斗者民王詩政等成之後道流陳守法又募建玉皇閣於上閒本府知府楊洪謨脩之嵌空鑿翠奇勝以增中閒遭變亂脩補門

彌勒州志

卷之五

藝文一

三

廊有僧書玄而常住倍增教法愈興行旅之所遊觀緇流之所樂聚騷人劍客之所托寄州又因寺以重焉入是寺者遠俯雉堞近閒村落繚青縈白髻峙帶澄峨嶺圭山之畫黛盤江玉津之染翠木亭田隰之布錯耕雲犁雨之點綴煙霞雪月之變態倏忽於昏旦紛披於灌垣數十百里閒巨麗纖華無不畢集人衿帶上卽有外感中攻抑鬱無聊之事每一遊日煩慮頓消所謂入彌勒院中行願具

國朝奏疏

籌請屯荒減則貼墾疏

巡撫

王繼文

廣寧人

看得滇省每年額糧通共米麥等項二十六萬餘石而屯糧實居其半歷年共撥兵緝關係甚鉅第屯田一畝之科幾紕民田十倍之徵是以拖欠逃荒年甚一年臣自再蒞茲土以來訪求民隱圖希

聖澤惟此屯田一項最為滇民苦累近蒙

皇上沛無疆之德將康熙二十一年起至二十七

彌勒州志

卷之五

藝文一

三

年止屯賦叅欠錢糧盡行蠲免一時老幼咸懷再生從前重困始得暫釋但額賦豈容再寬輸將已無遺力臣再四籌維有老荒重額田地一項小民終年畏棄已成廢土若使減則貼墾尚可藉補虧懸行據布政使于三賢署糧儲道事永昌道叅議畢忠吉議將此項老荒田地凡係連年見納運糧之人承墾者將屯田地之上中下則悉改為民田地之上中下則起科仍令地方官量借牛種及出陳

足得大歡喜者矣惟彌勒尊佛圓通顯教隨處稱尊叢林普供獨吾郡以郡稱則衣鉢之所流傳宰官之所變化獨爲鍾靈當如寶應瑞一佛出世者疇敢當之予至此嘗非初忍去也寺成三十餘年讀印主其事乃始以碑請予爲書其概如此

彌勒州志

卷之三十五 藝文一

三

米石務使力耕有成至於民間荒廢田地其上中二則謹照豫省六年後係中則者照下則納過三年再歸中則上則者照下則納過五年再歸上則之例起科其下則田地請於六年後減半三年再照本則起科並承墾後卽爲已業用備貼墾事宜臣伏見

皇上愛民至德有加無已凡重農廣粟之例莫不一一舉行必使四海無不獲之夫九宇有益藏之富今滇田地本屬磽薄屯民尤困追呼

彌勒州志

卷之五

藝文二

五

若以拋荒不墾之田補其重額難支之累及民荒田地一槩極力勸墾不但正額可以充實新賦亦可稍增

請減屯糧疏

巡撫石文晟奉天

題為密陳屯糧之重仰祈

睿裁以廣

皇仁專竊惟經

國必先裕課體野端在足民故正賦自貴充積而

民瘼亦當痼瘵臣本庸陋世受

國恩蒙

皇上曠典以郡守末吏不次優陞

特簡滇撫叨此邊疆重任敢不竭盡駑鈍以報

彌勒州志

卷之三

藝文一

三五

高厚故自蒞任以來咨詢地方利弊體吏察治民生其閒之生聚殷繁安藝樂業熙熙皞皞如入時雍之世此皆

皇上聖德旁流所致惟是猶有重困於民者不敢不以

上聞也查滇省屯政因明初沐英世鎮雲南將帶來官兵分作十分以三分差操七分屯種即以七分屯種之程以養三分換軍此即古之寓兵於農原非上倉糧米可比迨我

朝定鼎順治十六年闢滇吳三桂遂將昔日之租
改爲額徵之賦及後變亂之時罔恤民艱任
意坐派致使各軍紛紛逃竄因而遺累存丁
典鬻賠納苦難殫述幸賴

皇上天威殄逆民得安在浮糧過重仍因輸將
計恢之後自康熙二十一年至二十七年屯
銀米穀等項歷年拖欠此非軍戶敢於頑抗
亦各官不善催科總因糧額太重血比艱完
業於康熙二十八年內經前督臣范承勳署

弘朝州志

卷之三

藝文一

三

巡撫時特疏

題請分年帶徵隨蒙

皇上特頒

上諭朕念雲南百姓前會供億王師繼又遷移叛
屬家口運送勞瘁本年正賦輸將尚屬艱難復
令帶徵逋租必致益滋困累著將歷年所欠屯
賦銀七萬二千二百餘兩米麥等項十萬七百
餘石盡行蠲免以示朕軫念民生至意欽遵在
案則彼時

題請帶徵早蒙

聖恩隆重悉荷蠲除是此項屯糧徒有重額之名
竝無清完之實歷歷可考久在

皇上睿鑒中矣况各衛所久經裁歸有司是在前
日猶在軍戶之名在今日則無軍民之別一
切徭役自應一視同仁乃查通省民賦上則
田糧最重者莫如河陽縣每畝八升一合八
勺三抄其餘五六升以至四五合而止上則
地稅最重者亦莫如可陽縣每畝五升九合

河南

卷之三

藝文一

七

二勺一抄其餘三匹升以至二三合而止及
查屯田每畝則有七斗二升六斗八升五斗
六升至四斗五六升不等屯地每畝亦有三
斗八升至一斗五六升不等夫軍民田地阡
陌相連肥磽相迤天寺人事耕鑿番種亦無
不同何至輕之屯額比至重之民賦尙不匹
五倍之數若較輕額則屯賦與民賦竟有十
倍之重所以屯軍終歲勤動種收之穀不遑
瞻顧父母妻子惟事納糧而究竟不能以一

畝之出全完一畝之額故康熙二十八年臣叔石琳撫滇時曾於奉

旨編輯全書案內將此屯糧重困敘入瀝陳未經部覆而以後督撫臣未敢復請者蓋以

國用浩繁豈容遽議輕徃况各省屯糧皆重猶不敢獨為請減是以前撫臣王繼文不得已

於康熙二十九年有屯荒減則貼墾之請也但江浙等省屯軍現今領運且有船隻行月

漕截等項給贍滇省屯軍則無此項贍養兼

引書

卷之五

藝文一

三

之衛所既裁軍即兵戶與別省迥異况此軍戶係沐氏帶來官弁竝非發遣有罪之軍所納正供似應與民一體矜恤臣於康熙二十二年守開化時早已深悉今撫茲土見煙竈相連林林總總生聚實繁大非昔日氣象此雖邇年以來前督撫臣撫綏之力實計

皇上柔遠弘恩所致惟此一項因吳逆作亂時各軍多半逃竄殲逆之後前此逃丁或遭兵火或戀他鄉間未回里以致遺糧賠累本以最

重之糧又復包賠逃戶日復一日重復更重故於康熙二十八年以來仍舊歲歲不清每遇

奏期各官俱愛功名竭蹶借墊者有之以欠捏完者有之一遇陞遷事故便束手無策百計哀求逢人募助洵不可悉數也臣自入境以來日覩荒蕪田地甚多百姓甚衆及抵任後披閱各屬詳驗報墾無幾隨行飭催旋據百姓紛紛具呈述糧項過重無力開墾請

彌勒州志

卷之三

藝文一

无

題減復批司道查詳戶部會同總欲爲民請

命臣思減賦薄稅非臣子所敢輕議祇因多寡之數甚是不侔苦樂之形異常各別今我

皇上恩同天地德邁唐虞頻年蠲賦不惜數千萬

金是恭逢

聖明在上今此民隱若不據實上達負百姓卹負我

皇上矣况滇省僻處遐方係外域觀瞻之地不得不冒昧陳情如荷

聖恩將此屯糧悉照河陽縣則例起科不特現在
軍餘易於輸納卽未墾荒產臣自鼓勵各官
加意勸墾亦無有不踴躍樂墾者也仍將墾
過數目隨卽具報按年科徵是減賦於今日
安知不增賦於將來也理合恭疏
題請但發政施仁端望

皇上特沛洪恩臣何人斯敢以瀆
奏謹具密本如果芻蕘可採伏乞

皇上特頒

彌勒州志

卷之五

藝文一

三

上諭或令臣等會查或

勅部臣議覆則九州四海無不頌

皇上端居深宮之中明見萬里之外共樂被深仁
厚澤於靡涯矣此項額糧如邀

恩減而通省兵食或有不敷則現有本省折徵米
麥等項可以仍徵本色撥給似可無厯

睿懷也

水利詳稿

乾隆元年國朝署州

王

緯

為脩築溝壩疏通水道事據竹菌村紳士庶民何見龍熊兆文王震先張政等呈詞踏勘查得竹菌村即構甸壩平原八九十里兩山對峙大河環遶其中河傍盡屬田畝向來村民於附近河邊之田築壩壅水製造水車激水灌田每遇洪水泛漲底田盡遭淹沒是以雍正十二年八月內河水湧發沖決田禾當經報明業蒙

彌勒州志

卷之三十五

藝文一

三

憲臺檄行疏脩在案其是水患之亟宜除也至若高田雨水愆期便難栽種惟賴溝水灌溉向因水微流短未獲溥濟者總由發源之處未建石壩山水傍沖未建石龍向係土木暫時攔截以故民間正值需水之時稍不經理源流瀉入大河數十里村寨禾苗時有阻隔之虞則是水利之亟宜興也茲據闔壩紳士何見龍等公請查勘興脩前來卑職逐加細

勘查構甸壩原設四溝其中流名巴甸河源

出瀘西之圭山彌陽之蛇花口阿當哨龍潭
等處由州境盤旋環遶經八甸彌東水月從
鰲頭煙白二山峽口暢流壩中居人於出峽
處所截流分溝從山而西南名曰西溝經小
矣果嚴家寨小法車大法車阿陽村必舊村
樂家寨補益村大小山龍王皮寨一帶四十
餘里灌溉田畝此舊有水利隨時疏濬毋庸
議脩者也至上中二溝源出龍潭哨從石洞
噴湧勢甚告諭於出水處所截流分爲兩溝

彌勒州志

卷之三

藝文一

一名上溝經灣溝芭蕉村太和村濫泥寨地
龍竹園村糕糧地歪頭寨路洒龍定嚴家寨
一帶以資灌溉一名中溝經構皮寨濫泥寨
小矣果和尚莊地壠歪頭寨路洒趙林寨小
趙林寨獨家村一帶以資灌溉以上二溝前
流三十餘里前任張牧督令各寨疏濬照向
日古溝開脩寬大水得暢行除水溝規槽地
壠由各村寨自行不時脩葺外惟龍潭發源
處所昔係土壩水小則漏洩不敷水大則潰

決散漫應於龍潭洞口建築石壩一座以資
久遠至若東溝源出黑龍潭水亦湧自石洞
較龍潭哨源流更大而溥向止流半里卽入
大河棄置不用雍正二年貢生楊崢捐建石
閘截水灌溉趙林寨龍母等寨高田以爲得
水但流亦不遠其水卽放入大河前任張牧
相度地勢於發源處所建築木椿地龍酌議
由最高處開濬溝道逆流救濟荷花塘趙林
寨龍母赤白村小高寨大高寨板枝花崩補

歪扯普新街子夷老小西宰大西宰熊家寨
水車寨普特沈岡寨火燒寨打銅寨點子寨
朋普一帶六十餘里旱田業經開脩溝道大
半因旋卽陞任尙未完工而原建木椿地龍
上有山水沙溝一道每於下雨之時橫水衝
決頗爲洶湧以致漸脩漸壞水入大河水流
數十村寨猝無水到殊爲民患是以地方紳
士思爲一勞永逸之計議於地龍處所建造
石壩石龍使源泉溝水由地龍經行山水沙

溝從壩上經過俾雨不侵犯便可久遠無虞
水到之處暢流六十餘里灌溉二十餘寨旱
糧五百餘石盡成膏腴水田此四溝之中東
溝之利最鉅而功亦最要者也以上四溝除
西溝水源截自大河峽口毋庸置議外查龍
潭哨石壩為上中二溝之總匯黑龍潭地龍
石壩為東溝新開溝道之咽喉亟宜乘時建
造卑職即眼同紳士耆庶傳集工匠細加估
勘所有龍潭哨應建閘水石壩一座高二丈

彌勒州志

卷之三

藝文一

三

二尺長十丈五尺估需石灰工料銀一百九
十二兩零黑龍潭應建過水地龍一道係照
石橋製造高一丈三尺長十二丈六尺寬一
丈八尺又建石壩一道高二丈長五丈六尺
共估需銀三百五十三兩零二共估需銀五
百四十五兩零內應辦石料灰勛匠工銀三
百五十兩零小工人夫銀一百九十五兩零
卑職 公同各村寨紳耆士庶酌議乘冬春農
隙之時所有應用人工各得水村寨輪流分

應其工料匠工銀兩

卑職

捐給養廉辦理專

委鄉官原任江西饒州府羅平縣知縣何見

龍貢生熊兆文生員王震先鄉耆張正等專

管督率晝夜

言

料理於本年正月初二日

興工起至四月二十六日兩處石壩地龍俱

各工竣除人夫小工銀兩係各村寨得水處

所均自輪應毋庸議給外實用過石料灰筋

匠工銀二百四十八兩京石米三十二石較

原估約節省銀七十一兩零以上銀兩關係地

彌勒州志

卷之五

藝文一

三五

方水利

卑職

自行捐給養廉辦理毋庸開銷

正項現在水溝寬一丈深三四五尺不等上

中二溝暢行三十餘里東溝暢行六十餘里

凡向屬高旱地畝本年俱獲栽種全完至近

大河水東田地溝水自上而下到處遍灌一

切水車均屬無用即於四月內水消時候沿

河共計七十二壩各寨居民自行拆去既除

淹沒之虞永免旱澇之患矣除水溝到處各

寨田畝分水緩急尺寸分數以及規槽溝道

沿路應脩應葺現在農忙俟秋收之後逐段
妥設按寨分管另勒石碑遵守外所有竹菌
村構甸壩龍潭哨黑龍潭建脩石壩地龍灌
溉上中東三溝田畝緣由理合備敘情由繪
圖詳報再查水溝灌濟處所向係陸地今變
爲水田但原有錢糧應請求免加糧陞科以
遂民業相應一併詳明伏乞

憲臺俯賜查核批示以便勒石用垂久遠者也

詳明給食渡手永利行商事 王

緯 署州 詳稿

卑職

竊查得彌勒州屬大江邊原係兩粵入

滇通衢併開化廣南臨安邱北往來大路商

賈人民絡繹不絕總因江流涵湧舊設渡船

二隻濟渡行人從前緣無工食係附近村民

輪流擺渡因之地棍人等藉端把持謀幹勒

索種種積弊歷經前任不時查禁總因未給

工食弊難盡除於雍正七年內有二台坡茶

庵僧人如檠捐銀一百八十兩向樂鳴咸買

彌勒州志

卷之三

藝文一

三

得高寨田地一十二分隨糧四斗八升三合

租一十二石地租銀九兩零給與渡手以作

工食之費嗣因樂鳴咸接銀霸田僧人如檠

控經前督部堂鄂 批行前州張牧審明斷

歸如檠給與渡手永作工食業經勒石在案

旋以脩船

行人量取錢三文

牛馬牲駝量取錢五文以作每年脩理船隻

之費該地離州窻遠渡手人等乘機勒索甚

至水漲之時過往行人每人索錢三五十文

不等牛馬牲駝需索尤甚渡手王仲美文適
張公亮李文選楊文秀劉綱文慶遠朱紫榮
等盤踞渡口復將渡田壩據為已有卑職

訪問確實立提王仲美文遵張公亮等訊明
勒索情由僉供不諱除將原舊渡手王仲美
等責革外查渡口船錢若不盡行痛革稍畱
絲毫不免日久滋弊但水手工食不敷朝夕
守候亦難枵腹擺渡卑職再四籌酌將原田
十二分併地另招本寨住民楊老大楊華白

老二白老三范老大白老大李猓羅蔡發枝
白有祿端仁楊老二白老大等十二名輪流
擺渡將舊水手王仲美等所領種僧人田地
逐一開明取具退狀同渡船一并交與楊老
大等收領耕種併免其一切差徭仍給示曉
諭嚴飭楊老大

不得勒索絲毫船錢復據僧人如槃渡手
工食不敷又捐自置馬路塘山地水田原價
一百六十兩所有山地因路當衝要佃戶逃

散現在荒蕪其水田租三石請一併歸入船
戶荒蕪山地請免差徭招集佃種尙可得租
十五六石以爲將來脩造船隻之費又邱北
所屬二石租二十石有
游僧慈忍健愚師徒二人彼此爭告旋將庵
內什物租石變賣潛逃今江邊渡口原係邱
北往來要地據邱北人民呈請茶庵香火畱
租十二石招僧一名儘足住持其餘八石撥
入大江船戶渡手貼幫工食水免需索等情

之五

藝文一

三

卑職

當卽準其分撥收管在案以上大江渡
口共新舊年收市石租二十三石地租銀九
兩內除新添租十一石坐落馬路塘大莊等
處離江邊頗遠應著渡手照舊收租均分外
原種高寨田十二分租十二石今係本寨住
民擺渡應

半月一換輪流擺渡春冬水小渡手 名足
供往來夏秋水發應撥水手四名常川供役
毋許玩忽脩船之費查馬路塘旱地原係成

熟一經招集便可得租應速設法招補頂種
求作脩補船隻費用如此則渡口不致橫霸
勒索商賈往來得以坦行矣再查州屬西南
一百五十里巴盤渡口與建水

州接界路通臨安石屏通海元江新平普洱
思茅等處商賈行人往來絡繹不絕向來設
有渡船一隻濟渡行人該地船戶亦無工食
勒索無休上年六月般戶張鳳鳴於水漲時
需索錢文以致淹斃人命卑職訪查確實業

三十五

藝文一

將般戶張鳳鳴責革在案但該處既無工食
渡手殊難存住查捏洛官莊內向有公田二
分每分年收租銀十二兩二分共銀二十四
兩向係該寨完納官莊銀兩畱充公費今將
此項永遠撥為巴盤渡口工食酌設水手二
名每名年

二十兩仍有畱

銀四兩以作脩船之費就 四季支發當據
里甲人民公舉熟練水性般戶二名尋邦彥
李敏當堂具認日後再不得勒索行人絲毫

船錢甘結在案外所有彌勒州大江邊巴盤
江兩處渡口酌撥租石工食以及永革水手
需索霸渡緣由理合備開 明併將田畝船
戶造冊開

憲臺查核批示備案以便勒石永禁實爲恩便

卷之三十五

藝文一

